

Сургуулийн өмнөх боловсролын сургалтын хөтөлбөрийн суралцахуйн үр дүн ба үйл ажиллагаа

СУРГАЛТЫН ЧИГЛЭЛ: ХӨГЖИМ

Сургалтын хөтөлбөрийн зорилго, хүрэх үр дүн, чадвар, агуулгын ай ба суралцахуйн үр дүнг хэрэгжүүлэхийн тулд тэдгээрийг дэмжсэн суралцахуйн үйл ажиллагаа, үнэлгээ, хэрэглэгдэхүүн зэргийг жишиг байдлаар тодорхойлов. Тухайлбал, Үнэлгээний шалгуур, санал болгох хэрэглэгдэхүүн, үргэлжлэх хугацаа, давтамж, сургалтын хөтөлбөрийн уялдааг сургалт, үйл ажиллагаатай холбон үзүүлсэн бөгөөд эцэг эх, асран хамгаалагчийн дэмжлэг, оролцоог тусгав.

5.1. I ТҮВШИН

Ай 1. Хөгжмийн илэрхийлэл

Суралцахуйн үр дүн	Суралцахуйн үйл ажиллагаа	Үнэлгээний шалгуур
Дэд ай: Мэдрэх		
ХӨГ1.1а. Хүн, амьтны дуу авиаг ялган таньдаг болно.	- Нохой, муур, шувуу гэх мэт амьтдын дуу авиаг анхааралтай сонсоод заах, нэрлэх; - Нохой, муур, шувуу гэх мэт амьтдын дуу чимээг сонсоод дуурайж дуугарах, хөгжилдөх; - “Дуу чимээг таагаарай” тоглоом тоглох. Жишээ нь: Нохой, муур, шувуу гэх мэт амьтдын дуу авиаг сонсоод дүрд орж хөгжилдөх; - “Дуурайж дуугараарай” тоглоом тоглох. Жишээ нь: Нохойны олон янзын дуу авиаг сонсоод ялган нэрлэх, дуу хоолойгоо өөрчилж дуугарч үзүүлэх; - Аав, ээж, ах, эгч гэх мэт хүмүүсийн дуу хоолойг анхааралтай сонсоод, чанга сул, бүдүүн нарийныг дуу авиагаар илэрхийлэх; - Эргэн тойрны хүмүүсийн дуу хоолой, дүр хөдөлгөөнийг дуурайж тоглох.	- Хүүхэд, эрэгтэй хүн, эмэгтэй хүн, ахмад настны дуу хоолойг ялгадаг. - Нохой, муур, гахай, шувуу гэх мэт амьтдын дуу чимээг таньдаг.
Дэд ай: Илэрхийлэх		
ХӨГ1.1б. Дууг анхааралтай сонсож, зарим үг, авиаг дуурайн хэлж, аялна.	- “Дуучин багш” тоглоом: Багшийн дуулахыг сонирхон сонсох; - Бусдын дуулж байгааг хараад дагаж аялах оролдлого хийх; - “Дагаад дуулаарай” тоглоом тоглох. Жишээ нь: Дууг сонсоод дагаж аялахыг оролдож бувтнах; - “Дуу хоолойгоор аялъя” тоглоом тоглох. Жишээ нь: “Аа, оо, уу, гэх мэт авиаг анхаарч сонсоод (чанга сул, бүдүүн нарийн гэх мэтээр дуу хоолойгоо өөрчилж дуугарах) Ми¹-Ля¹ эгшгийн цараанд дуурайж дуугарах; - “Би дуулж чадна” тоглоом тоглох. Жишээ нь: Танил, сурсан дууны аяыг сонсоод хөдөлгөөнийг хийх, хэсэг үг авиаг хэлж аялан дуулахад нь алга ташин урамшуулах; - “Хамтдаа дуулъя” тоглоом тоглох. Жишээ нь: Багш хүүхэд хамтарч тоглоом, хүүхэлдэй, эд зүйлс ашиглан хөгжилтэй богино дуу зохиож дуулан хөгжилдөх.	- Дууг анхааралтай сонсоод зарим үгийг дагаж хэлдэг. - Дууг анхааралтай сонсоод аяыг дагаж аялдаг.

ХӨГ1.1в. Дуу, аялгууны хэмнэлд тохируулан хөдөлгөөн хийдэг болно.	- Энгийн үйл (шүд угаах, хоол идэх, алхах гэх мэт)-ийг илэрхийлсэн дууны үгийг дагаж хөдөлгөөн хийх; - “Хамтдаа тоглоё” багш хүүхэд хамтдаа дууны аянд чөлөөтэй хөдөлж, хөгжимт тоглоомоор чөлөөтэй тоглож хөгжилдөх; - Хөгжмийн аянд багшийг дуурайн, алга таших, ширээ товших хөдөлгөөнөөр хэмнэлийг дагаж тоглох; - Дууны аялгууг сонсоод, алга таших, найгах ганхах, дороо дэвсэх, дороо эргэх гэх мэт хөдөлгөөнийг хийх; - Дууны аялгууны хурд, хэмнэлийг мэдэрч алхах, гүйх, алга таших, гар эргүүлэх гэх мэт хөдөлгөөнийг бусдыг дагаж хийх; - Дуу, ая, аялгуунд тохируулж амьтдын хөдөлгөөнийг даган дуурайж хийх.	- Хөгжмийн аян, дууны хэмнэлд тохируулан багшийн хөдөлгөөнийг дуурайж, алга таших, товших, алхах, найгах зэрэг хөдөлгөөнөөр дагадаг. - Дуу, ая, аялгууг мэдэрч амьтдын хөдөлгөөн, энгийн үйлийг (шүд угаах, хооллох, алхах г.м) биеэр илэрхийлдэг.
Санал болгох сургалтын хэрэглэгдэхүүн: - Хэвлэмэл материал: Зурагт үзүүлэн, дууны үгийн зурган карт, хүүхдийн дууны түүвэр - Тоглоом наадгай: Дуугардаг ном, хөгжмийн хэлбэр дүрстэй тоглоом - Хөгжмийн энгийн зэмсэг: Жижиг шигшүүр, хонхтой шагшуур - Дүрд тоглох хэрэгсэл: Бээлийн хүүхэлдэй, багт наадмын хувцас - Техник хэрэгсэл: Чанга яригч, микрофон, төгөлдөр хуур, аудио бичлэг		Сургалтын хөтөлбөрийн уялдаа: Хөдөлгөөн эрүүл мэнд 1.1а, 1.1г, 1.1д, 1.1и, Байгаль, нийгмийн орчин 1.1в, 1.1г, 1.2д, Хэл яриа 1.1а, 1.1б, 1.2г, Нийгэм-сэтгэл хөдлөл 1.1а, 1.2а, 1.3в. Математик 1.3а.
Сургалт, үйл ажиллагаатай холбогдох нь: Тойргийн цаг, чиглүүлэгтэй тоглоом, үйл ажиллагаа, чөлөөт тоглоом, зугаалга, хөгжөөн баясах цаг		Үргэлжлэх хугацаа: 1-2 долоо хоног Давтамж: Хичээлийн жилийн турш тогтмол хугацаанд давтана.
Эцэг эхийн асран хамгаалагчийн дэмжлэг, оролцоо: - Дуулах, хөгжимдөх, хөгжимт хөдөлгөөн хийх, дүрд тоглох боломжийг олгох, дэмжих, зоригжуулах; - Гэр бүлээрээ хүүхдэд зориулсан үзвэр үзэж соёлд үлгэрлэх, шинээр сурсан дуу, хөгжимт хөдөлгөөнийг давтуулах, хүүхдийн өглөөлөг, тоглолтыг үзээд магтан сайшаах, алга таших зэргээр урамшуулан талархах; - Үндэсний ёс заншил, гэр бүлийн үнэт зүйлс, өв уламжлалыг мэдэрч ойлгох, дагаж биелүүлэхэд үлгэрлэх.		
Чадамжтай холбогдох нь: Суралцахуйд суралцах: Сонсох, анхаарлаа төвлөрүүлэх, дуурайж давтах, өөрийгөө илэрхийлэх зэрэг ур чадварыг хөгжүүлэх.		Нийтлэг агуулгатай холбогдох нь: Эрүүл мэндийн боловсрол: Гараа угаах, шүдээ угаах, эрүүл хооллох тухай дуу дуулах, зөв амьсгалах, хөгжимт тоглоомд оролцох зэргээр бие бялдрын болон сэтгэл зүйн эрүүл мэндийн зөв дадалд суралцах. Хөгжимдөх, хөдөлгөөн хийх, хамтран дуулах зэрэг биеэр оролцох идэвхтэй үйл ажиллагааг дэмжих замаар цахим хэрэглэгдэхүүн, дэлгэцийг хязгаартай хэрэглэх.

Ялгаатай хэрэгцээтэй хүүхдийг дэмжих:

- Харах, барьж мэдрэх, хэмнэлийг хөдөлгөөнөөр илэрхийлэх боломжийг олгоно.
- Дуу, хэмнэл, хөгжмийн зэмсгийг сонсох, хүрэх, тэмтрэх боломжийг бүрдүүлнэ.
- Биеийн боломжтой хөдөлгөөнөөр хэмнэл мэдрэх, оролцоход нь дэмжлэг үзүүлнэ.
- Тайвшруулах ая, сонирхол татах тоглоом, урам зориг өгөх аргаар оролцоог дэмжинэ.

5.2. II ТҮВШИН**Ай 1. Хөгжмийн илэрхийлэл**

Суралцахуйн үр дүн	Суралцахуйн үйл ажиллагаа	Үнэлгээний шалгуур
Дэд ай: Мэдрэх		
ХӨГ2.1а. Байгаль, эд юмсын дуу чимээг таньж ялгана.	- “Юу дуугарч байна вэ?” тоглоом, байгалийн дуу чимээ (салхи, бороо, шувуу гэх мэт)-г сонсоод зургаас заах, нэрлэх; - Байгалийн чимээг дуурайж (бороо дуулах чимээг хуруугаар товшиж дуурайж дүрслэх, салхины чимээг үлээж дуурайх, эд зүйлсээр ижил чимээ үүсгэж турших гэх мэт) дуугаргах; - Цаг, хаалганы хонх, утас гэх мэт эргэн тойрны орчин, эд юмсын дуу чимээг сонсоод дуу чимээ хаанаас (юунаас) гарч байгааг ажиглах, ярилцах; - “Дуу чимээний хайрцаг” тоглоом, хайрцагт төрөл бүрийн дуу чимээ үүсгэх эд юмсыг хийж дуугарган чимээгээр нь таних; - Байгалийн дуу чимээг сонсоод чанга сул хүчийг хөдөлгөөн, дуу авиагаар илэрхийлэх; - Дуу чимээг сонсоод биеийн хөдөлгөөн, дохио зангаагаар дүрслэх.	- Байгалийн дуу чимээг сонсож ялгадаг, нэрлэдэг. - Орчны эд юмсын дуу чимээг таньдаг.
Дэд ай: Илэрхийлэх		
ХӨГ2.1б. Дууны аялгууг дагаж, хамтдаа дуулна.	- Дууны үгийг анхаарч сонсон утга санааг ойлгох; - Үг, аялгууны давталттай богино дууны нэгээс хоёр үетэй үгийг хэлж, дагаж аялах; - “Дагаад дуулаарай” тоглоом: Ми¹-Си¹ эгшгийн хооронд зохиомжилсон богино аяыг сонсоод дагаж аялах; - “Дуурайж дуугаръя” тоглоом тоглох. Жишээ нь: Багшийг дуурайж амьтан, эд зүйлс, байгалийн дуу чимээг дуурайж тоглох; - “Үлээж тоглоё” тоглоом тоглох. Жишээ нь: Цаас, шаар үлээх гэх мэт амьсгаа хөгжүүлэх тоглоом тоглох;	- Дуулахдаа нэг ба хоёр үетэй үгийг тод, ойлгомжтой хэлдэг. - Дууг багш болон хамт олонтойгоо хамтран дуулдаг. - Дууны утга, үгтэй уялдуулан дүрслэх хөдөлгөөн хийж чаддаг.

	- “Дуулъя, дагая” тоглоом тоглох. Жишээ нь: Багшийн заавар чиглүүлгийн дагуу мэддэг дуугаа мөр мөрөөр нь ээлжилж, харилцаж дуулах; - “Би дуучин” тоглоом: бага тайзан дээрээ дуучин болж тоглох; - “Хамтдаа дуулъя” тоглоом: багш хүүхэд хамтарч үлгэр, зохиолын дүр, үйл явдлаас сэдэвлэн хөгжилтэй богино дуу зохиож дуулан хөгжилдөх.	
ХӨГ2.1в. Жигд хэмнэлийг мэдэрч хамтран тоглоно.	- “Хөгжмийн тойрог” тоглоом тоглох. Жишээ нь: Тойрог болж суугаад дуу, аялгуунд жигд хэмнэлээр алга таших; - “Миний бие” тоглоом тоглох. Жишээ нь: Дууны хэмнэлд тохируулж биеийн цохилгоор чимээ гаргаж хэмнэл үүсгэж, хамтарч тоглох; - “Дуу чимээний эрэлд” туршилт хийх. Жишээ нь: Эд зүйлсийг цохих, тогших, хавсрах, шудрах, үлээх зэргээр дуу чимээ гаргаж турших; - “Би хөгжимчин” тоглоом тоглох. Жишээ нь: Хөгжмийн энгийн зэмсгээр сэгсрэх, цохих, хавсрах зэргээр дуугаргах.	- Аяыг сонсоод жигд хэмнэлийн дагуу бусадтай хамтарч алга ташдаг. - Эд зүйлсийг цохих, тогших, хавсрах, шудрах, үлээх зэргээр дуу чимээ гаргаж тоглодог. - Аялгууны жигд хэмнэлийг биеийн цохилтоор дагадаг.
ХӨГ2.1г. Дуу, аялгуунд тохирсон хөдөлгөөн хийнэ.	- Хөдөлгөөнт дууг даган дуулах, хөдөлгөөнийг тогтоох - “Хөшөө” тоглоом тоглох. Жишээ нь: Бүжгийн ая зогсмогц хүүхдүүд байрандаа хөдөлгөөнгүй болж, ая эхлэхийг хүлээх, ая явмагц үргэлжлүүлэн чөлөөтэй хөдөлгөөн хийх; - “Дагаад хийгээрэй” тоглоом тоглох. Жишээ нь: Багшийг даган, хөгжмийн хэмнэлд тохируулан, алга таших, хөл товших, найгах ганхах зэрэг хөдөлгөөнийг хийх; - Хөгжмийн аянд байгалийн үзэгдлийг биеийн хөдөлгөөнөөр илэрхийлэн дүрслэх; - Хөгжмийн аянд байгалийн үзэгдэл болон эд юмсын хөдөлгөөнийг биеэр болон хөгжимт хөдөлгөөний хэрэгсэл ашиглан дүрслэн тоглох.	- Байгалийн үзэгдэл, эд юмсын хөдөлгөөнийг дүрслэн үзүүлдэг. - Хөгжмийн ая, хэмнэлд тохируулан, алга таших, хөл товших, найгах ганхах зэрэг хөдөлгөөнийг дуурайн хийдэг.
Дэд ай: Бүтээх		
ХӨГ2.1д. Үлгэр зохиол, дуу хөгжмийн танил дүрийг дуурайж, харилцан тоглоно.	- Юмс, үзэгдлийн дүрс, дуу чимээг бичлэгээс үзэж, ажиглах; - Үлгэр зохиол, хүүхэлдэйн жүжгийг сонирхож үзэх; - Үлгэр зохиолоос дуртай дүрээ сонгож хувцас хэрэглэл ашиглан дүрийн онцлог, үйл явдлыг дуурайж, хамтран тоглох; - Байгалийн үзэгдэл, эд юмсын онцлогийг хөдөлгөөн дуу авиагаар илэрхийлэх; - Хөгжмийн аянд дүр, үйл явдлыг илэрхийлж хамтарч (туулай ба баавгай, өдөр шөнө, хурдан удаан) тоглох.	- Танил дүрийн онцлогийг хувцас хэрэглэл, хөдөлгөөн, дуу авиагаар илэрхийлж тоглодог. - Багшийн дэмжлэгтэйгээр дүрийн нэр, энгийн үг хэллэгийг хэрэглэж дүрд оролцдог.
Санал болгох сургалтын хэрэглэгдэхүүн: - Хэвлэмэл материал: Хөгжмийн зэмсгийн зурган карт, хүүхдийн дууны түүвэр - Тоглоом наадгай: Дуугардаг ном, хөгжмийн хэлбэр дүрстэй тоглоом		Сургалтын хөтөлбөрийн уялдаа: Хөдөлгөөн, эрүүл мэнд 2.1а, 2.1б, 2.2г, Байгаль нийгмийн орчин 2.1в, 2.1г, 2.2д,

- Цахим хэрэглэгдэхүүн: Дуу, хэмнэлийн аудио бичлэг, хөдөлгөөний видео бичлэг, интерактив хичээл - Хөгжмийн энгийн зэмсэг: Савх мод, шигшүүр, хонх, нидрүүлэгтэй дуут мод, хэц, даралтат дэвсгэр хөгжим - Хөгжимт хөдөлгөөний хэрэгсэл: Тууз, өнгийн алчуур, цагариг - Дүрд тоглох хэрэгсэл: Бээлийн хүүхэлдэй, баг - Байгалийн материал: Шагайн хөгжим - Дахин ашиглах материал: Цаасан, хуванцар хайрцаг, даавуу - Техник хэрэгсэл: Чанга яригч, төгөлдөр хуур, микрофон	Хэл яриа 2.1а, 2.2а, 2.3а, Нийгэм-сэтгэл хөдлөл 2.1а, 2.2а, 2.3в, Математик 2.3а.
Сургалт, үйл ажиллагаатай холбогдох нь: Тойргийн цаг, чиглүүлэгтэй тоглоом, үйл ажиллагаа, чөлөөт тоглоом, зугаалга, хөгжөөн баясах цаг	Үргэлжлэх хугацаа: 1-2 долоо хоног Давтамж: Хичээлийн жилийн турш тогтмол хугацаанд давтана.
Эцэг эхийн асран хамгаалагчийн дэмжлэг, оролцоо: - Дуулах, хөгжимдөх, хөгжимт хөдөлгөөн хийх, дүрд тоглох боломжийг олгож, дэмжиж, зоригжуулах; - Гэр бүлээрээ хүүхдэд зориулсан үзвэр үзэж соёлд үлгэрлэх, шинээр сурсан дуу, хөгжимт хөдөлгөөнийг давтуулах, хүүхдийн өглөөлөг, тоглолтыг үзээд магтан сайшаах, алга таших зэргээр урамшуулан талархах; - Үндэсний ёс заншил, гэр бүлийн үнэт зүйлс, өв уламжлалыг мэдэрч ойлгох, дагаж биелүүлэхэд үлгэрлэх.	

Чадамжтай холбогдох нь: - Суралцахууд суралцах: Сонсох, анхаарлаа төвлөрүүлэх, дуурайж давтах, өөрийгөө илэрхийлэх зэрэг ур чадварыг хөгжүүлэх; - Бүтээлчээр сэтгэх: Дууны аяс, хэмнэлд тохируулан хөдөлгөөн зохиох, дуу авиагаар туршиж тоглох, өөрийн санаагаа илэрхийлэх зэргийг хөгжүүлэх.	Нийтлэг агуулгатай холбогдох нь: - Иргэний ёс зүй: Бусадтай харилцах, хамтарч дуулах, бүжиглэх, тоглох явцад бусдыг ойлгож, хүндэтгэхэд суралцах; - Эрүүл мэндийн боловсрол: Гараа угаах, шүдээ угаах, эрүүл хооллох тухай дуу дуулах, зөв амьсгалах, хөгжимт тоглоомд оролцох зэргээр бие бялдрын болон сэтгэл зүйн эрүүл мэндийн зөв дадалд суралцах; Хөгжимдөх, хөдөлгөөн хийх, хамтран дуулах зэрэг биеэр оролцох идэвхтэй үйл ажиллагааг дэмжих замаар цахим хэрэглэгдэхүүн, дэлгэцийг хязгаартай хэрэглэх. - Гамшгаас хамгаалах, аюулгүй амьдрах арга ухаан: Дуу, хөгжимт тоглоом, дүрд тоглох үйлээр дамжуулан болох болохгүй үйлдлүүд, аюултай зүйлсээс болгоомжлох, чих сонсгол, хоолойгоо хамгаалах тухай ойлголтоо бататгаж аюулгүй амьдрах ухаанд суралцах;
Ялгаатай хэрэгцээтэй хүүхдийг дэмжих: - Харах, барьж мэдрэх, хэмнэлийг хөдөлгөөнөөр илэрхийлэх боломжийг олгоно. - Дуу, хэмнэл, хөгжмийн зэмсгийг сонсох, хүрэх, тэмтрэх боломжийг бүрдүүлнэ. - Биеийн боломжтой хөдөлгөөнөөр хэмнэл мэдрэх, оролцоход нь дэмжлэг үзүүлнэ.	

- Тайвшруулах ая, сонирхол татах тоглоом, урам зориг өгөх аргаар оролцоог дэмжинэ.

5.3. III ТҮВШИН

Ай 1. Хөгжмийн илэрхийлэл

Суралцахуйн үр дүн	Суралцахуйн үйл ажиллагаа	Үнэлгээний шалгуур
Дэд ай: Мэдрэх		
ХӨГЗ.1а. Хөгжмийн энгийн зэмсгийн дуу чимээг ялгана.	- “Аль нь өөр байна вэ?” тоглоом тоглох. Жишээ нь: Гурван төрлийн хөгжмийн энгийн зэмсгийг тоглож үзээд (жишээ нь: дуут мод, хонхот шигшүүр) аль нь өөр дуу чимээтэй байсныг хэлэх; - Хөгжмийн энгийн зэмсгүүдийн (бөмбөр, эгшигт хонх, цан, дуут мод гэх мэт) хэрхэн зөв тоглохыг анхааралтай харж, дуу чимээг харьцуулан сонсох; - Хөгжмийн зэмсгийг гамтай хэрэглэж, тоглож дуусаад хураах; - “Чимээг олъё” тоглоом тоглох. Жишээ нь: Хөшигний ард дуугарсан хөгжмийн зэмсгийг анхааралтай сонсоод аль зэмсгийн дуу болохыг таах. Зөв таасан хүүхэд өөрөө тоглож, дараагийн чимээг гаргах эрхтэй болно гэх мэтээр тоглоом үргэлжлүүлэх; - “Аль нь чанга вэ” тоглоом тоглох. Жишээ нь: Хөгжмийн энгийн зэмсгийн дуу чимээг сонсоод чанга сулыг ялгаж, харьцуулах; - Хөгжмийн энгийн зэмсгийг тоглох арга хэлбэрээр (сэгсэрч, үлээж, цохиж, хавсарч тоглодог гэх мэт) нь ялгах; - “Ээлжлэн тоглоё” тоглоом тоглох. Жишээ нь: Багш тоглоод, хүүхэд даган тоглох буюу эсрэгээр тоглох; - Хөгжмийн зэмсгийн дуу чимээг сонсоод хөгжмийн зэмсгийн зургийг заах; - “Нэг дуу - нэг хөгжим” тоглоом тоглох. Жишээ нь: Багш хөгжмийн энгийн зэмсгээс сонгон тоглоход, тухайн зэмсгийг таньж нэрлэх; - “Авиагаар найзалцгаая” тоглоом тоглох. Жишээ нь: Хөгжмийн энгийн зэмсгийг сонгон (дуут мод ба саваа, том жижиг бөмбөр гэх мэт) дуугаргаж үзээд ижил төстэй дуугардаг хөгжмийн зэмсэг дуугаргасан найзыгаа олох.	- Хөгжмийн зэмсгийн дуу чимээг анхаарч сонсон, зургаас зааж нэрлэдэг. - Төрөл бүрийн хөгжмийн энгийн зэмсгийн тоглох хэлбэр, дуу чимээг хооронд нь харьцуулж, ижил ба ялгаатайг тайлбарладаг.
Дэд ай: Илэрхийлэх		

ХӨГЗ.1б. Богино үгтэй дууг аянд тохируулж бусадтай хамт дуулна.	- Дууг анхааралтай сонсох; - Дууны үг, утга санаа, аялгууны шинж төрх зэргийг ярилцах; - Ми¹-Си¹ эгшгийн цараан дахь богино аянд, энгийн өгүүлбэр, холбоо үг оруулан (дуугаа дуулцгаая, цас орлоо, дээшээ өгслөө, доошоо буулаа гэх мэт) зохиомжилж дуулах; - Бусдын дуулахыг анхааралтай сонсож хөгжмийн хамсраатай хамтран дуулах; - Анги нийтээрээ хөгжмийн хамсраагүй зэрэг дуулах; - Тоглоомын явцад (“Төрсөн өдрийн лаа үлээе”, “Салхин сэнс”, “Зааны хамар” гэх мэт) амьсгалын дасгал хийх; - Дууны үгийг тод хэлж, амьсгааг зөв хуваарилан дуулах; - Дууг хэсэг хэсгээр ээлжлэн, давтан дуулах; - “Би дуучин” сэдэвт тоглоом: бага тайзан дээрээ дуучин болж тоглох, хамтлагаар дуулах; - Дууны утга санааг хөдөлгөөнөөр баяжуулж, сэтгэл хөдлөлтэй дуулах.	- Дууны үгийг тод хэлж, ая хэмнэлийн дагуу дуулдаг. - Бусдыг сонсож хамт дуулдаг.
ХӨГЗ.1в. Жигд ба жигд бус хэмнэлийг ялгана.	- Хөгжмийн энгийн зэмсэгтэй (бөмбөр, эгшигт хонх, цан, дуут мод гэх мэт) танилцах; - Хэмнэлийн зураглалыг (тэмдэглэгээ, өнгө, дүрс зэргээр) харж ойлгох; - Хоёр ба гурван хувьт хэмнэлтэй аялгууг сонсож, хэмнэлийг дагаж алга таших, биеийн цохилтоор тоглох; - Зураглалын дагуу хөгжмийн энгийн зэмсгээр, нийтээр хамтарч тоглох; - Өөрийн сонгосон хөгжмийн энгийн зэмсгээр зураглалд тохируулан тоглож үзүүлэх.	- Хэмнэлийн өөрчлөлтийг мэдэрч хөгжмийн энгийн зэмсгээр тоглодог.
ХӨГЗ.1г. Аялгууны өөрчлөлтийг мэдэрч хөдөлгөөнөөр илэрхийлнэ.	- “Мод болцгооё” тоглоом тоглох. Жишээ нь: Аялгууг сонсоод хурд, хэмнэлд тохируулан хөгжимт хөдөлгөөний хэрэгсэл (тууз, цаас, алчуур гэх мэт) ашиглан байрандаа хөдөлгөөнийг даган хийх; - “Хөгжилтэй тойрог” тоглоом тоглох. Жишээ нь: Аялгууны хурдыг мэдэрч тойргоор алхах, гүйх; - “Шоргоолжнууд” тоглоом тоглох. Жишээ нь: хөнгөн хөгжилтэй аянд жигд хэмнэлд тохируулан чиглэлээ өөрчлөн алхахдаа бусадтай мөргөлдөхгүй байхад анхаарах; - “Хөдөлгөөнөө тааруулъя” хөдөлгөөнт тоглоом тоглох. Жишээ нь: Аялгууны өөрчлөлтөд тохируулан (чанга аялгуунд далайцтай хөдлөх, намуун аялгуунд өлмий дээр алхах, хурдан аялгуунд гүйх, удаан аялгуунд удаан алхах гэх мэт) хөдөлгөөнөө зохицуулах;	- Аялгуу, хэмнэлийн өөрчлөлтийг мэдэрч хөдөлгөөнөөр илэрхийлдэг. - Бусадтай хамтран хэрэглэгдэхүүн ашиглан хөдөлгөөн хийдэг.

	- Хүн амьтныг илэрхийлсэн хөгжимт хөдөлгөөнийг зохиомжлон хийх, тайлбарлах.	
Дэд ай: Бүтээх		
ХӨГЗ.1д. Үлгэр зохиол, дуу, аялгууны дүрийн онцлогийг илэрхийлж тоглоно.	- “Чи ямар амьтан бэ?” тоглоом тоглох. Жишээ нь: Хөгжмийн аянд тохируулан амьтны хөдөлгөөн, дуу авиаг дүрслэн тоглох; - Үлгэр зохиол, хүүхэлдэйн жүжгийг үзээд, утга санаа дүрийн онцлогийг ярилцах; - Үлгэр, дуу, шүлэг, зохиолын дүрүүдээс сонгож үйл явдлыг хөдөлгөөн, үг яриагаар илэрхийлж, тайлбарлах; - Дууны утга санаа, дүрийн онцлогийг таньж, тухайн дүрийн сэтгэл хөдлөлийг (баяр баясгалан, гуниг, айдас гэх мэт) нүүрний хувирлаар илэрхийлэх; - Эд юмс, байгалийн үзэгдэл, амьтдын дүр дүрслэлийг илэрхийлэн хамтарч тоглох; - “Хэн болж хувирсан бэ?” тоглоом тоглох. Багш ямар нэг дүрд хувиран үйлдэл үзүүлэхэд ажиглаад "хэн бэ? гэдгийг таах. Жишээ нь: нохой, муур, шувуу, салхи бороо гэх мэт; - Өөр өөр хэмнэл, хурд, өнгө аястай хөгжим сонсоод (хурдан, удаан, чанга сул хөгжим) өөрчлөлтийг мэдэрч дүрийг бүтээх (шувуу, мод, зөөлөн салхи" гэх мэт).	Дүрийн тухай ойлголт төсөөллөө биеийн хэлэмж, нүүрний хувирал, үг хэллэг, дуу авиагаар илэрхийлдэг.
Санал болгох сургалтын хэрэглэгдэхүүн: - Хэвлэмэл материал: Хөгжмийн зэмсгийн зурган карт, хүүхдийн дууны түүвэр - Бодит орчин: Бага тайз, хүүхэлдэйн театр - Тоглоом наадгай: Дуугардаг ном, хөдөлгөөнт тоглоом, сэдэвт тоглоом - Цахим хэрэглэгдэхүүн: Дуу, хэмнэл, хөдөлгөөний аудио, видео бичлэг, интерактив хичээл - Хөгжмийн энгийн зэмсэг: Савх мод, өндгөн шигшүүр, инцдүүр, туузан дээр бэхэлсэн хонх, нидрүүлэгтэй дуут мод, бөмбөр, хүрий, цан, эгшигт хонх - Хөгжимт хөдөлгөөний хэрэгсэл: Тууз, өнгийн алчуур, цагариг, уян татдаг, шүхэрт даавуу - Дүрд тоглох хэрэгсэл: Хуруун хүүхэлдэй, бээлийн хүүхэлдэй, таягт хүүхэлдэй, баг - Байгалийн материал: Шагайн хөгжим, шийрний ясан хөгжим, чулуун хөгжим - Дахин ашиглах материал: Цаасан, хуванцар, төмөр, модон хайрцаг, даавуу - Техник хэрэгсэл: Чанга яригч, микрофон, төгөлдөр хуур, дуу хураагуур гэх мэт		Сургалтын хөтөлбөрийн уялдаа: Хөдөлгөөн, эрүүл мэнд 3.1а, 3.1г, 3.1д, 3.1и, 3.2з, Байгаль, нийгмийн орчин 3.1в, 3.1г, 3.2д, Хэл яриа 3.1а, 3.2а, 3.3а, Нийгэм-сэтгэл хөдлөл 3.1а, 3.2а, 3.3в, Математик 3.3а.
Сургалт, үйл ажиллагаатай холбогдох нь: Тойргийн цаг, чиглүүлэгтэй тоглоом, үйл ажиллагаа, чөлөөт тоглоом, зугаалга, хөгжөөн баясах цаг		Үргэлжлэх хугацаа: 1-4 долоо хоног Давтамж: Хичээлийн жилийн турш тогтмол хугацаанд давтана.

Эцэг эхийн асран хамгаалагчийн дэмжлэг, оролцоо:

- Дуулах, хөгжимдөх, хөгжимт хөдөлгөөн хийх, дүрд тоглох боломжийг олгож, дэмжиж, зоригжуулах;
- Гэр бүлээрээ хүүхдэд зориулсан үзвэр үзэж соёлд үлгэрлэх, шинээр сурсан дуу, хөгжимт хөдөлгөөнийг давтуулах, хүүхдийн өглөөлөг, тоглолтыг үзээд магтан сайшаах, алга таших зэргээр урамшуулан талархах;
- Үндэсний ёс заншил, гэр бүлийн үнэт зүйлс, өв уламжлалыг мэдэрч ойлгох, дагаж биелүүлэхэд үлгэрлэх.

Чадамжтай холбогдох нь:

- Суралцахууд суралцах: Сонсох, анхаарлаа төвлөрүүлэх, дуурайж давтах, өөрийгөө илэрхийлэх зэрэг суралцах ур чадварыг хөгжүүлж, хөгжмийн үйл ажиллагаанд идэвхтэй, сонирхолтойгоор оролцох нөхцөл бүрдэх;
- Харилцах: Хүүхэд дуу, хөгжим, хөдөлгөөнөөр дамжуулан бусадтай харилцаж, өөрийн бодол, мэдрэмжийг илэрхийлж, ээлжээ хүлээх, бусдыг сонсох, ойлгох чадварыг эзэмших;
- Хамтран ажиллах: Хүүхэд хамтран дуулах, хөгжимдөх, тоглох үйл ажиллагаанд оролцох замаар бусадтайгаа зохицож ажиллах, хамтын оролцоонд суралцах суурь чадварыг эзэмших;
- Нийгэм, сэтгэл хөдлөлийн хөгжил: Дуу хөгжимд мэдрэмжээрээ хариу үйлдэл үзүүлэх, баяр баясал, тайвшрал зэрэг сэтгэл хөдлөлөө илэрхийлэх замаар өөрийгөө болон бусдыг ойлгох, эерэг хандлага төлөвших;
- Бүтээлчээр сэтгэх: Дууны аяс, хэмнэлд тохируулан хөдөлгөөн зохиох, дуу авиаг турших, зэмсгээр хөгжимдөх зэрэг үйлдлээр өөрийн санаагаа чөлөөтэй илэрхийлэх бүтээлч сэтгэлгээ хөгжих.

Нийтлэг агуулгатай холбогдох нь:

- Эх оронч сэтгэлгээ: Үндэсний өв уламжлал, зан заншилтай холбоотой дуу дуулж, монгол ая, аялгууг сонсох, биелгээний энгийн хөдөлгөөн хийх зэргээр өв уламжлал, зан заншилд суралцах;
- Хүний эрхийн боловсрол: Хүүхэд бүр ижил тэгш эрхтэй тухай, хэн нэгнийг ямар нэг онцлог байдлаар нь ялгаварлалгүй хамтарч дуулах, бүжиглэх, тоглох хандлага төлөвшүүлэх;
- Иргэний ёс зүй: Бусадтай харилцах, хамтарч дуулах, бүжиглэх, тоглох явцад бусдыг ойлгож, хүндэтгэхэд суралцах;
- Эрүүл мэндийн боловсрол: Гараа угаах, шүдээ угаах, эрүүл хооллох тухай дуу дуулах, зөв амьсгалах, хөгжимт тоглоомд оролцох зэргээр бие бялдрын болон сэтгэл зүйн эрүүл мэндийн зөв дадалд суралцах; Хөгжимдөх, хөдөлгөөн хийх, хамтран дуулах зэрэг биеэр оролцох идэвхтэй үйл ажиллагааг дэмжих замаар цахим хэрэглэгдэхүүн, дэлгэцийг хязгаартай хэрэглэх.
- Тогтвортой хөгжлийн боловсрол: Байгаль, хүрээлэн буй орчны сэдэвтэй дуу, чимээ, хөдөлгөөнийг ашиглан амьтан, ургамал, байгаль дэлхийг хайрлан хамгаалах мэдрэмж, хандлагыг төлөвших;
- Гамшгаас хамгаалах, аюулгүй амьдрах арга ухаан: Дуу, хөгжимт тоглоом, дүрд тоглох үйлээр дамжуулан болох болохгүй үйлдлүүд, аюултай зүйлсээс болгоомжлох, чих сонсгол, хоолойгоо хамгаалах тухай ойлголтоо бататгаж аюулгүй амьдрах ухаанд суралцах;
- Ажил мэргэжлийн чиг баримжаа олгох: Хөгжимчин, бүжигчин, багш зэрэг дүр бүтээх тоглоомоор дамжуулан төрөл бүрийн ажил мэргэжилтэй танилцах;

Ялгаатай хэрэгцээтэй хүүхдийг дэмжих:

- Харах, барьж мэдрэх, хэмнэлийг хөдөлгөөнөөр илэрхийлэх боломжийг олгоно.
- Дуу, хэмнэл, хөгжмийн зэмсгийг сонсох, хүрэх, тэмтрэх боломжийг бүрдүүлнэ.
- Биеийн боломжтой хөдөлгөөнөөр хэмнэл мэдрэх, оролцоход нь дэмжлэг үзүүлнэ.

- Тайвшруулах ая, сонирхол татах тоглоом, урам зориг өгөх аргаар оролцоог дэмжинэ.

5.4. IV ТҮВШИН

Ай 1. Хөгжмийн илэрхийлэл

Суралцахуйн үр дүн	Суралцахуйн үйл ажиллагаа	Үнэлгээний шалгуур
Дэд ай: Мэдрэх		
ХӨГ4.1а. Хөгжмийн энгийн зэмсгийг дуугаралтаар ялгаж, аялгууны өнгө аясыг мэдэрнэ.	- “Аль нь өөр байна вэ?” тоглоом тоглох. Жишээ нь: Гурван төрлийн өндөрлөгтэй хөгжмийн зэмсгийг (царгил, хөгт хоолой, эгшигт хонх гэх мэт) тоглож үзээд ямар ялгаатай дуугарч байгааг хэлэх; - “Чимээг олъё” тоглоом тоглох. Жишээ нь: Өндөрлөгтэй хөгжмийн зэмсгийн дуу чимээг анхааралтай сонсож аль нь дуугарсан болохыг зургаас зааж, нэрлэх; - Аяыг сонсоод ямар хөгжмийн зэмсгээр тоглосныг таньж, нэрлэх; - “Яаж дуугарсан бэ?” тоглоом тоглох. Жишээ нь: Хөгжмийн энгийн зэмсгийг янз бүрийн аргаар дуугаргаж (бөмбөрийг цохиураар, хуруугаар, бээлийтэй гараар гэх зэргээр тогшиход өөр өөр дуугарч байгааг ажиглах) дуу чимээний өөрчлөлтийг харьцуулах; - Аялгуу нь өнгө аяс, сэтгэл хөдлөлтэй байдгийг ойлгох. Багш ая тоглоход “хөгжилтэй байна”, “гунигтай байна” гэх мэтээр мэдрэмжээ илэрхийлж нүүрний хувирлын зурагт картаас сонгох; - Аялгууг сонсоод өнгө аясыг мэдэрч, тохирох зургийг сонгох (намуухан аялгуунд нуурын усанд хөвөх хун шувууны зургийг сонгох, хөгжилтэй хөнгөн аялгуунд модны мөчирт дүүлэх хэрэмтэй зургийг заах гэх мэт).	- Хөгжмийн зэмсгүүдийн дуугаралтыг ялгаж, нэрлэж, харьцуулан тайлбарлаж чаддаг. - Аялгууны өнгө аясыг мэдэрч, тохирох зурагтай холбож, тайлбарладаг.
Дэд ай: Илэрхийлэх		
ХӨГ4.1б. Дуу, аялгууг гарын дохиогоор дуулж аялна.	- Дууг анхааралтай сонсоод үг, утга санааг тайлбарлах; - Дууны аялгууны шинж төрхийг мэдэрч, илэрхийлэх; - Ре¹-До² эгшгийн цараанд төгөлдөр хуур хөгжмөөр тоглож өгсөн эгшгийн өнгөний дагуу (өрөг дараалсан болон богино үсрэлттэй аяыг дагаж аялах) хоолойн дасгал хийх; - Амьсгаа уртасгах тоглоом: “Салхи больё”, “Том бөмбөлөг”, “Хул тоолох”, “Зээ” гэх мэт;	- Дууг дуулахдаа хөгжмийн хамсраатай зэрэг эхэлж зэрэг төгсгөдөг. - Гарын дохионы дагуу дууны аялгууг илэрхийлж дуулдаг.

	- “Хамгийн өндөр нь аль вэ?” интерактив тоглоом тоглох. Жишээ нь: Дуу авианы бүдүүн нарийн, өндөр намыг ялгаж, дүрсээр илэрхийлэн, дуурайж дуугарах; - Багшийн гарын дохиог анхаарч аялгуу, хэмнэлийг алдалгүй, бусадтай хамтарч дуулах; - Дууг дуулахдаа хөгжмийн хамсраатай зэрэг эхэлж зэрэг төгсгөх; - Үг, хэллэг, хэмнэл аялгууны хүндрэл багатай дууг хөгжмийн хамсраагүй дуулах; - Дууны утга санаанаас өв соёл, зан заншилтай холбоотой ойлголтоо бататгах; - Сурсан дуугаа хамтлагаар болон ганцаар дуулж тайлант тоглолт, өдөрлөгт оролцох.	
ХӨГ4.1в. Аялгуу, хэмнэлийн дагуу хамтран хөгжимдөнө.	- Зураглалын дагуу алга таших, хуруу имрэх, хөлөө дэвсэх, өвдөг цохих зэргээр чимээ гаргаж хэмнэлийг илэрхийлж тоглох; - Хөгжмийн энгийн зэмсгээр (бөмбөр, гурвалжин төмөр, эгшигт хонх, царгил) тоглох аргыг мэдэх; - Хөгжмийн зэмсгийг ариглан, гамтай хэрэглэж, тоглож дуусаад хураах; - Аялгуунд тохируулан 2-3 хүүхдийн бүрэлдэхүүнтэйгээр багаараа хөгжимдөх; - “Найрал хөгжимчид” сэдэвт тоглоом тоглох. Жишээ нь: 2 ба 3 хувьт хэмнэлтэй аялгуунд зураглалын дагуу, хөгжмийн энгийн зэмсгээр хэсэг хэсгээрээ ээлжлэн, хамтарч тоглох; - Хөгжмийн тоглолтод хүндэтгэлтэй хандаж, хамтлагт болж тоглох.	- Дуу, аялгууны хэмнэлийг мэдрч зураглалын дагуу хөгжмийн энгийн зэмсгээр бусадтайгаа хамтран хөгжимддөг. - Хамтлагаар хөгжимдөх үедээ бусдадаа хүлээцтэй, хүндэтгэлтэй ханддаг.
ХӨГ4.1г. Хэмнэл, хурд, өнгө аяст тохируулан хөдөлгөөнөө илэрхийлнэ.	- Дуу, хөгжмийн агуулга утга санааг хөдөлгөөнөөр дүрслэн харуулах; - Хөгжим сонсоод баярласан, гунигласан гэх мэт сэтгэл хөдлөлийг биеийн хөдөлгөөн, нүүрний хувирлаар илэрхийлэх; - Хөгжимт хөдөлгөөний хэрэгсэл (даавуу, тууз, бөмбөлөг гэх мэт) ашиглан аялгууны хүч, хэмнэл, өнгө аясыг хөдөлгөөнөөр дамжуулан мэдрэх; - Дууны аяны хурд хэмнэлд тохируулан хөдөлгөөнөө зохицуулах; - “Аялгуунд хөдөлгөөн нэмье” тоглоом тоглох. Жишээ нь: Аялгууны хэмнэл, өнгө аясыг мэдрч чөлөөтэй бүжиглэх; - Тойрон бүжиг хийх; - Бүжгийн аянд энгийн хөдөлгөөн хийх, тогтоох	- Хөгжмийн хэмнэл, хурд, өнгө аясад тохируулан биеийн хөдөлгөөнөө зохицуулж, энгийн бүжгийн хөдөлгөөнийг гоцлон болон хамтлагаар гүйцэтгэдэг. - Аялгуунаас төрсөн сэтгэгдэл, сэтгэл хөдлөлөө биеийн хөдөлгөөн, нүүрний хувирлаар илэрхийлдэг.
Дэд ай: Бүтээх		
ХӨГ4.1д. Дүрийн зан чанар, харилцааг илэрхийлж хамтран тоглоно.	- Дуу, хөгжмийн агуулга, дүр, үйл явдлыг ойлгож тухайн дүрийн онцлогийг нүүрний хувирал, хөдөлгөөнөөр илэрхийлэх; - “Дууль” тоглоом тоглох. Жишээ нь: Дууны дүрийн зан чанарыг ярилцаж, дүрд тоглон, хамтран дуулах;	- Дуу, хөгжмийн агуулгыг ойлгож, дүрийн зан чанар, сэтгэл хөдлөлийг тайлбарладаг. - Сонгосон дүрээ биеийн хөдөлгөөн, нүүрний хувирал, дуу авиа, үг яриа

	- Өгөгдсөн дүрийг сэтгэл хөдлөл, хөдөлгөөн, дуу авиа, үг яриа, нүүрний хувирлаар илэрхийлэх; - Өгөгдсөн дүр, үйл явдлыг баяжуулан зохиомжилж, харилцан тоглох; - “Мимик ба аялгуу” тоглоом тоглох. Жишээ нь: Хөгжим сонсоод өнгө аясад тохирсон дүрийг үг хэлэхгүйгээр зөвхөн нүүрний хувирал, хөдөлгөөнөөр дүрслэн үзүүлэх; - Бусдын бүтээсэн дүрийг хүлээн зөвшөөрч, хамтран тоглох; - “Шидэт хайрцаг” тоглоом тоглох. Жишээ нь: Хайрцаг доторх дүрд тоглох хэрэгслүүд (малгай, баг, тууз, таяг, нөмрөг гэх мэт)-ээс сугалж дүр бүтээх.	зэргээр илэрхийлж бусадтай хамтран дүрд тоглодог. - Бусдын бүтээсэн дүрийг хүлээн зөвшөөрч, хамтран тоглож, сэтгэл хөдлөлөө чөлөөтэй илэрхийлдэг.
Санал болгох сургалтын хэрэглэгдэхүүн: - Хэвлэмэл материал: Дуу, хэмнэл, хөгжмийн зэмсгийн зурган карт, ардын болон хүүхдийн дууны түүвэр - Биет үзүүлэн: Морин хуур, товшуур - Бодит орчин: Бага тайз, хүүхэлдэйн театр - Тоглоом наадгай: Хөдөлгөөнт тоглоом, сургах тоглоом, жүжигчилсэн тоглоом - Цахим хэрэглэгдэхүүн: Дуу, хэмнэл, хөдөлгөөний аудио, видео бичлэг, интерактив хичээл - Хөгжмийн энгийн зэмсэг: Хос дуут мод, хэц, бөмбөр, хүрий, цан, эгшигт хонх, хөгт хоолой, даралтад үлээвэр хөгжим, төмөр царгил - Хөгжимт хөдөлгөөний хэрэгсэл: Тууз, өнгийн алчуур, цагариг, уян татлага, шүхэрт даавуу, үсэрдэг дэвсгэр - Дүрд тоглох хэрэгсэл: Хуруун, бээлийн, таягт хүүхэлдэй, баг - Байгалийн материал: Шагай, шийр, далны ясан хөгжим, чулуун хөгжим - Дахин ашиглах материал: Цаасан, хуванцар, төмөр, модон хайрцаг, лонх, шаар, даавуу - Техник хэрэгсэл: Чанга яригч, микрофон, төгөлдөр хуур, дуу хураагуур		Сургалтын хөтөлбөрийн уялдаа: Хөдөлгөөн, эрүүл мэнд 4.1а, 4.1г, 4.1д, 4.1и, 4.2з, Байгаль, нийгмийн орчин 4.1в, 4.1г, 4.2д, Хэл яриа 4.1а, 4.1б, 4.2г, Нийгэм-сэтгэл хөдлөл 4.1а, 4.2а, 4.3в, Математик 4.3а.
Сургалт, үйл ажиллагаатай холбогдох нь: Тойргийн цаг, чиглүүлэгтэй тоглоом, үйл ажиллагаа, чөлөөт тоглоом, зугаалга, хөгжөөн баясах цаг		Үргэлжлэх хугацаа: 1-4 долоо хоног Давтамж: Хичээлийн жилийн турш тогтмол хугацаанд давтана.
Эцэг эхийн асран хамгаалагчийн дэмжлэг, оролцоо: - Дуулах, хөгжимдөх, хөгжимт хөдөлгөөн хийх, дүрд тоглох боломжийг олгож, дэмжиж, зоригжуулах; - Гэр бүлээрээ хүүхдэд зориулсан үзвэр үзэж соёлд үлгэрлэх, шинээр сурсан дуу, хөгжимт хөдөлгөөнийг давтуулах, хүүхдийн өглөөлөг, тоглолтыг үзээд магтан сайшаах, алга таших зэргээр урамшуулан талархах; - Үндэсний ёс заншил, гэр бүлийн үнэт зүйлс, өв уламжлалыг мэдэрч ойлгох, дагаж биелүүлэхэд үлгэрлэх.		


Чадамжтай холбогдох нь: - Шүүн тунгаах: Дуу авиаг ялган сонсох, аль хөгжим илүү таалагдаж байгааг сонгох, энгийн хариу үйлдлээр өөрийн сонголтыг илэрхийлэх замаар анхан шатны шүүмжлэн бодох чадвар төлөвших; - Бүтээлчээр сэтгэх: Дууны аяс, хэмнэлд тохируулан хөдөлгөөн зохиох, дуу авиаг турших, зэмсгээр хөгжимдөх зэрэг үйлдлээр өөрийн санаагаа чөлөөтэй илэрхийлэх бүтээлч сэтгэлгээ хөгжих; - Суралцахуйд суралцах: сонсох, анхаарлаа төвлөрүүлэх, дуурайж давтах, өөрийгөө илэрхийлэх зэрэг суралцах ур чадварыг хөгжүүлж, хөгжмийн үйл ажиллагаанд идэвхтэй, сонирхолтойгоор оролцох нөхцөл бүрдэх; - Харилцах: Хүүхэд багш болон найзуудтайгаа хамт дуулах, хөгжимдөх зэрэг үйлдлээр өөрийгөө илэрхийлж, бусдын хэлж буйг ойлгож, харилцах чадвар хөгжих; - Хамтран ажиллах: Хүүхэд ээлж дараатайгаар тоглох, дуу хөгжимд хамтран оролцох зэргээр бусадтайгаа зохицон ажиллаж сурснаар хамтын ажиллагааны эхлэл тавигдах; - Нийгэм, сэтгэл хөдлөлийн хөгжил: дуу хөгжимд мэдрэмжээрээ хариу үйлдэл үзүүлэх, баяр баясал, тайвшрал зэрэг сэтгэл хөдлөлөө илэрхийлэх замаар өөрийгөө болон бусдыг ойлгох, эерэг хандлага төлөвших; - Үндэсний болон дэлхийн өв соёл: Ардын дуу, хөгжим, хөдөлгөөнт тоглоомоор дамжуулан үндэсний соёлтой танилцаж, олон соёлын аялгуу, дуу авиаг мэдрэх, хүндэтгэх хандлага төлөвших.	Нийтлэг агуулгатай холбогдох нь: - Эх оронч сэтгэлгээ: Үндэсний өв уламжлал, зан заншилтай холбоотой дуу дуулж, монгол ая, аялгууг сонсох, биелгээний энгийн хөдөлгөөн хийх зэргээр өв уламжлал, зан заншилд суралцах; - Хүний эрхийн боловсрол: Хүүхэд бүр ижил тэгш эрхтэй тухай, хэн нэгнийг ямар нэг онцлог байдлаар нь ялгаварлалгүй хамтарч дуулах, бүжиглэх, тоглох хандлага төлөвших; - Иргэний ёс зүй: Бусадтай харилцах, хамтарч дуулах, бүжиглэх, тоглох явцад бусдыг ойлгож, хүндэтгэхэд суралцах; - Эрүүл мэндийн боловсрол: Гараа угаах, шүдээ угаах, эрүүл хооллох тухай дуу дуулах, зөв амьсгалах, хөгжимт тоглоомд оролцох зэргээр бие бялдрын болон сэтгэл зүйн эрүүл мэндийн зөв дадалд суралцах; Хөгжимдөх, хөдөлгөөн хийх, хамтран дуулах зэрэг биеэр оролцох идэвхтэй үйл ажиллагааг дэмжих замаар цахим хэрэглэгдэхүүн, дэлгэцийг хязгаартай хэрэглэх. - Тогтвортой хөгжлийн боловсрол: Байгаль, хүрээлэн буй орчны сэдэвтэй дуу, чимээ, хөдөлгөөнийг ашиглан амьтан, ургамал, байгаль дэлхийг хайрлан хамгаалах мэдрэмж, хандлагыг төлөвших; - Гамшгаас хамгаалах, аюулгүй амьдрах арга ухаан: Дуу, хөгжимт тоглоом, дүрд тоглох үйлээр дамжуулан болох болохгүй үйлдлүүд, аюултай зүйлсээс болгоомжлох, чих сонсгол, хоолойгоо хамгаалах тухай ойлголтоо бататгаж аюулгүй амьдрах ухаанд суралцах; - Ажил мэргэжлийн чиг баримжаа олгох: Хөгжимчин, бүжигчин, багш зэрэг дүр бүтээх тоглоомоор дамжуулан төрөл бүрийн ажил мэргэжилтэй танилцах;
Ялгаатай хэрэгцээтэй хүүхдийг дэмжих: - Харах, барьж мэдрэх, хэмнэлийг хөдөлгөөнөөр илэрхийлэх боломжийг олгоно. - Дуу, хэмнэл, хөгжмийн зэмсгийг сонсох, хүрэх, тэмтрэх боломжийг бүрдүүлнэ. - Биеийн хөдөлгөөнөөр хэмнэл мэдрэх, оролцох боломжийг бүрдүүлэн дэмжлэг үзүүлнэ. - Тайвшруулах ая, сонирхол татах тоглоом, урам зориг өгөх аргаар оролцоог дэмжинэ.	

ХАВСРАЛТ 1. ХЭРЭГЛЭГДЭХҮҮНИЙ ЖАГСААЛТ

№	Монгол нэршил	Гадаад нэршил	Зураг
1	Нидрүүлэгтэй дуут мод	Tone block	
2	Инцдүүр	Castanets	
3	Хос дуут мод, Савх мод	Double tone block, Claves	
4	Кажон	/Cajon/	
5	Бөмбөр	Drum	
6	Бонго бөмбөр	Bongo	
7	Шигшрэг	Tambourine	
8	Хэц (шигшрэгтэй)	Tambourine with jingles	

9	Хэц (шигшрэггүй)	Wave drum	
10	Бариултай хонх	Sleigh bells	
11	Туузан дээр бэхэлсэн хонх	Wrist bell	
12	Дэншиг хонх	Hand bell	
13	Цан	Cymbals	
14	Хүрий (жижиг, том)	Triangle	
15	Өндгөн шигшүүр	Egg shaker	
16	Шигшүүр жижиг том,	Maracas	
17	Төмөр царгил	Glockenspiel, Metallophone	
18	Модон царгил	Xylophone	

19	Эгшигт хонх (дарж тоглох)	Desk touch bel	
20	Эгшигт хонх (сэгсэрч үүсгэх) аялгуу	Melody bell	
21	Даралтат дэвсгэр хөгжим	Gigantic Keyboard Playmat	
22	Цуурайт хонх	Resonator bell	
23	Хөгт хоолой	Boomwhackers	
24	Эрхий хурууны төгөлдөр хуур	Kalimba	
25	Даралтад үлээвэр хөгжим	Pianica	
26	Тууз	Ribbon wand / stramer	
27	Цагариг	Hoop / Hula hoop	

28	Өнгөт алчуур	Scarf / Dancing scarf	
29	Уян татлага	cooperative band	
30	шүхэрт даавуу	parachute cloth	
31	Үсэрдэг дэвсгэр	Jumping mat	
32	Бага тайз	Performance stage	

Тайлбар:

Дээрх хэрэглэгдэхүүний жагсаалтад “Сургуулийн өмнөх боловсролын байгууллагын сургалтын орчны стандарт”-д тусгагдсан хөгжмийн зэмсгүүдээс гадна бусад улс орны сургуулийн өмнөх боловсролын байгууллагад хэрэглэгддэг хөгжмийн энгийн зэмсэг, хөгжимт хөдөлгөөний хэрэгслүүдийг жишиг байдлаар оруулсан болно.

Хөгжмийн сургалтын хэрэглэгдэхүүнийг сонгохдоо тухайн насны хүүхдийн онцлогт тохируулж, эрүүл, аюулгүй байдалд анхаарах шаардлагатай. Тухайлбал: 2-3 насны хүүхдэд чанга дуу чимээ гаргадаг хөгжмийн зэмсгээс зайлсхийх, барих, тоглоход хялбар байхад анхаарах гэх мэт.

ХҮҮХДИЙН ДУУНЫ ЖИШИГ ЖАГСААЛТ

Түвшин I

1. Үг Д.Тунгалаг, Ая У.Ариунзул “Туулай”
2. Орчуулгын дуу “Бие эрхтнээ нэрлэе”
3. Үг, Ая Д.Хоролсүрэн “Болохгүй”
4. Орчуулгын дуу “Хуруугаар тоглоё”
5. Үг, Ая Ө.Ариунзул “Баавгай”
6. Үг, Ая Д.Хоролсүрэн “Өглөөний дасгал”
7. Орчуулгын дуу “Унтаж байна уу”

8. Үг Г.Ганболд Ая Б.Цэвээнсүрэн “Үсрээрэй”
9. Үг О.Сэрээнэн, Ая П.Жүрмэд “Аа гоёо гоёо”

Түвшин II

1. Үг, Ая Ц.Тэргүүнцэцэг “Хос эрхтнээ нэрлээ”
2. Үг Г.Ганболд, Ая Б.Цэвээнсүрэн “Би”
3. Үг Г.Ганболд, Ая Б.Цэвээнсүрэн “Тугал”
4. Үг Г.Ганболд Ая Б.Цэвээнсүрэн “Цагаан сар”
5. Үг З.Юмчирсүрэн, Ая Х.Пунцагдорж “Алгаа ташаарай”
6. Ая Нармандах “Мөнгөн өвөл”
7. Үг Г.Ганболд, Ая Л.Галмандах “Амин хүүдээ би”
8. Үг Я.Отгонжаргал, Ая Л.Алтангэрэл “Би угаадаг”
9. Үг Г.Ганболд Ая Б.Цэвээнсүрэн “Шинэ жил”
10. Орчуулгын дуу “Хөвчийн ойд гэртэй бүжин”
11. Үг, Ая Д.Хоролсүрэн “Хонхтой бойтог”

Түвшин III

1. Үг, Ая С.Ууганбаяр “Ахин нэг тоглоё”
2. Үг, Ая С.Батболд “Наадан тоглоё”
3. Үг Я.Отгонжаргал, Ая Л.Алтангэрэл “Лууван”
4. Үг Д.Амарсанаа, Ая Б.Өнөржаргал “Шүдээ угаацгаая”
5. Үг Ш.Бадарч, Ая С.Батболд “Цасан дор жимс ургана”
6. Үг, Ая Б.Эрдэнэбат “Ирээрэй”
7. Үг, Ая Ц.Сумьяабат “Цагаан сар”
8. Үг Г.Ганболд, Ая С.Батболд “Өвлийн өвгөн хүрээд ирлээ”
9. Үг Г.Ганболд, Ая Б.Цэвээнсүрэн “Бороо”
10. Үг Г.Ганболд Ая Б.Цэвээнсүрэн “Ам бүл таван хуруу”
11. Үг Б.Дашгомбо, Ая Г.Жанцансамбуу “Дөрвөн бэрх”

Түвшин IV

1. Үг Б.Нацагдорж, Ая С.Батболд “Зөв хүүхэд”
2. Үг, Ая С.Ууганбаяр “Нуугдаж тоглоё”
3. Үг Ц.Болормаа, Ая Б.Амарбаяр “Найзуудаа зурлаа”
4. Үг Г.Ганболд, Ая С.Батболд “Таньдаггүй гэнэ байх даа”
5. Үг О.Сундуй, Ая С.Батболд “Өв соёлоо дээдэлье”
6. Үг, Ая С.Ууганбаяр “Цагаан идээ”
7. Үг, Ая Б.Эрдэнэбат “Гоёо”
8. Үг П.Одсүрэн, Ая С.Батболд “Шагайн наадгай”
9. Үг Ч.Алтансүх, Ая Э.Дөлгөөн “Хогоо бүү хаяарай”
10. Үг, Ая Б.Эрдэнэбат “Онъого”
11. Үг, Ая С.Ууганбаяр “Монгол ухаан”
12. Үг, Ая Б.Эрдэнэбат “Болчихно доо”
13. Үг Д.Батзориг, Ая Ч.Алтансүх “Мөрөөдлийн гацуур”
14. Үг Э.Саранзаяа, Ая С.Ганчимэг “Миний бүтээл”

Тайлбар:

Сургуулийн өмнөх боловсролын сургалтын хөтөлбөр боловсруулах, хэрэгжүүлэхэд гадаад болон дотоодын уран бүтээлчдийн бүтээлийг сонгож, сургалт, үйл ажиллагаандаа ашиглах хэрэгцээ их байдаг. Хүүхдийн дууны уран бүтээл нь зохиогчийн эрхээр хамгаалагдсан байдаг тул сургалт, үйл ажиллагаанд ашиглахдаа зохиогчийн эрхийг хүндэтгэх шаардлагатай.

Сургуулийн өмнөх насанд хүүхдийн дуулах чадвар нь хүүхдийн сонирхол, дуу хоолойн эрхтний хөгжил болон дуу хөгжимтэй хэр ойр өсөж байгаагаас шалтгаалж хүүхэд бүрд харилцан адилгүй хөгждөг.

Хүүхэд дууг хэр зөв дуулах нь хоолойн цараа, хөгжмийн сонсгол, амьсгаа, үг хэллэг хэрхэн хөгжсөнөөс шалтгаалдаг.

Багш дууны урын санг сонгохдоо сургалтын хөтөлбөрийн суралцахуйн үр дүнд чиглүүлж, тухайн бүлгийн хүүхдийн дуулах чадварын дундаж түвшин, насны онцлог, сонирхолд тулгуурлаж, хүүхэд дуулж чадахуйц хялбар, үг хэллэг болон аялгуу, хэмнэлийн хувьд хүндрэл багатай, утга санаа ойлгомжтой, дүрслэлтэй, сонирхолтой байхад анхаарах нь чухал. Дээрх жагсаалтыг нь заавал судлах бус жишиг байдлаар оруулсан болно.

ХӨГЖИМТ ХӨДӨЛГӨӨНИЙ ЖИШИГ ЖАГСААЛТ

1. Үг Д.Чимэддорж, Ая Г.Бирваа “Тоглоом” хөдөлгөөнт дуу
2. Орчуулгын дуу “Алгаа таш”
3. Үг З.Түмэнжаргал, Ая С.Батболд “Нуугдсан уу” хөдөлгөөнт дуу
4. Үг Н.Энхжаргал, Ая С.Батболд “Амьтад болж тоглоё” хөдөлгөөнт дуу
5. Үг М.Отгонбаяр, Ая Л.Санжаа “Бүгдийг чадна би, би” хөдөлгөөнт дуу
6. Үг Г.Сэсмээ, Ая П.Жүрмэд “Хэрэм” хөдөлгөөнт дуу
7. Орчуулгын дуу “Хос хосоороо эргээ”
8. Үг, Ая С.Ууганбаяр “Мангас Оди” хөдөлгөөнт дуу
9. Орчуулгын дуу “Цэцэг”
10. Үг, Ая С.Ууганбаяр “Би бол бяцхан цэцэг” хөдөлгөөнт дуу
11. Үг Г.Ганболд, Ая С.Батболд “Муур хулганы дуу” хөдөлгөөнт дуу
12. Үг Д.Отгонсүрэн, Ая С.Ганчимэг “Хүүхэлдэй” хөдөлгөөнт дуу
13. Үг, Ая Ц.Амарсайхан “Дуулан бүжиглээ” хөдөлгөөнт дуу
14. Үг, Ая Ц.Амарсайхан “Хөгжилтэй алхаа” хөдөлгөөнт дуу
15. “Өвлийн өвгөний улаан малгай” дуут тоглоом
16. “Юу хийх вэ?” хөгжимт хөдөлгөөн
17. Д.Батсайхан, Л.Туяа нарын дэглэсэн “Зөв хүүхэд” хөгжимт хөдөлгөөн
18. Д.Батсайхан, Л.Туяа нарын дэглэсэн “Мөөгхөн” хөгжимт хөдөлгөөн
19. Д.Батсайхан, Л.Туяа нарын дэглэсэн “Болжмор” хөгжимт хөдөлгөөн
20. Д.Батсайхан, Л.Туяа нарын дэглэсэн “Би жолооч” хөгжимт хөдөлгөөн
21. Д.Батсайхан, Л.Туяа нарын дэглэсэн “Муур” хөгжимт хөдөлгөөн
22. Д.Батсайхан, Л.Туяа нарын дэглэсэн “Шүд ба чихэр” хөгжимт хөдөлгөөн
23. “Монгол дээлний магтаал”

Тайлбар:

Сургуулийн өмнөх насанд хөгжмийн сургалт, үйл ажиллагааны явцад хөдөлгөөнт дуу дуулах, хөдөлгөөнт тоглоом тоглох, бүжгийн энгийн хөдөлгөөн хийх, хөгжимт хөдөлгөөн хийх зэргээр бүжиглэх ур чадварын суурийг тавих нь хүүхдийн олон талаар хөгжүүлэх ач холбогдолтой. Иймд багш нар хөгжмийн сургалтын хөтөлбөрийн суралцахуйн үр дүнд чиглүүлж хөгжимт хөдөлгөөн зохиомжилж урын сангаа баяжуулах нь чухал юм.

СОНСОХ ХӨГЖИМНИЙ ЖИШИГ ЖАГСААЛТ

1. Төрөл бүрийн дуу авиа https://youtu.be/CvkwVvB4_fM?si=r1LnBOggKodcRqTW
2. “Хурдан удаан, жижиг том” <https://www.youtube.com/watch?v=LnKNuw83U-Y>
3. “Хөгжмийн өнгө аяс” https://youtu.be/aW9SjgzzGr8?si=uf4i-eLRX_IVvGuZ
4. “Амьтдыг илэрхийлсэн ая” <https://youtu.be/-QuafKnUzZA?si=3Or5cBg79K7-leBF>
5. Римский корсаков “Полет шмеля” <https://www.youtube.com/watch?v=X14kC-sEH0I>
6. Leroy Anderson “The Syncopated Clock” <https://youtu.be/CrpdQngwk2g?feature=shared>
7. Эдвард григ “Өглөө” <https://youtu.be/5rRF8gK0OtM?feature=shared>
8. П.И.Чайковскийн “Улирал” зохиолын хоёр хэсгээс <https://youtu.be/aW9SjgzzGr8?si=VAk0quhL7K95o5Xm>

9. Н.Вересокина “Озорная полька” <https://youtu.be/vmsV12DA9IE?feature=shared>
10. В.Селиванов “Шуточка” <https://youtu.be/mmlCspOnlBU?feature=shared>
11. А.Руббах “Бор шувуу” https://youtu.be/lq0QrkYc_GM?feature=shared
12. П.И. Чайковский “Детский альбом” <https://youtu.be/GkDrvdcbAAA?feature=shared>
13. Морин хуурын татлага ая <https://youtu.be/vw3iGGfPzgA?si=5fkULnRnE-RwZp3Y>
14. Н.Жанцанноров “Монгол аялгуу” <https://youtu.be/mKDUhrETXew?feature=shared>
15. Б.Наранбаатар “Таван хөөрхөн” бяцхан аяз
<https://youtu.be/18NlxCpt6T8?si=eI5gfuU2tj4awfwp>
16. Фредерик Шопен “Сад Эдема” (Нежность) https://youtu.be/3Exl_gGMzpE?feature=shared
17. Сен-Санс “Арслан” <https://youtu.be/rE4CATvZ188?feature=shared>
18. Сен-Санс “Тахиа” <https://youtu.be/IEd7Ovt4cWE?feature=shared>
19. Сен-Санс “Яст мэлхий” <https://youtu.be/wPHqJTpgO-U?feature=share>
20. Сен-Санс “Заан” <https://youtu.be/f1nVDoCnsNk?feature=shared>
21. Сен-Санс “Загас” <https://youtu.be/-OAO6rAs9DA?feature=shared>
22. Сен-Санс “Хөхөө” <https://youtu.be/NJpgN2oTgR8?feature=shared>
23. Сен-санс “Хун” https://youtu.be/cXEy_UfSgCU?feature=shared
24. Морин хуурын татлага “Жонон харын явдал” <https://youtu.be/XV4iZjESFEs?feature=shared>
25. Ж.Мэнд-Амар “Хан хөхийн уянга” лимбэний аяз
<https://youtu.be/G76u-d7OKI4?feature=shared>
26. С.Гончигсумлаа “Ёохор” төгөлдөр хуурын концерт
27. Ч.Сангидорж “Хүүхдэд зориулсан симфони аяз” Баавгай, Туулай, Үнэг, Хэрэм, Чоно
28. С.Баатарсүрэн “Хөгжилтэй зугаалга”
29. Б.Наранбаатар “Ятгад зориулсан хүүхдийн аяз”
30. С.Гончигсумлаа “Төгөлдөр хуурт зориулсан аяз” Монгол бүжиг, Прелюди,
31. М.Мусоргский “Үзэсгэлэнгийн зургууд -Өндөгнөөсөө хагараагүй дэгдээхэйнүүдийн бүжиг”
<https://youtu.be/v4kgkdoGjyw?feature=shared>
32. П.Чайковский “Цөмөөхэй” балет
33. Баруун монгол Бүүвэйн дуу (Дуучин Ш.Чимэдцэеэ)
https://youtu.be/Ly_QJ5LbSRg?feature=shared
34. И.Брамс “Бүүвэйн дуу” <https://youtu.be/t894eGoymio?feature=shared>
35. П.Чайковский “Хунт нуур” балет -Хунгийн дэгдээхийн бүжиг
<https://youtu.be/Me0T73TKF2w?feature=shared>
36. И.Штраус “Орос марш” <https://youtu.be/DFy7buyU0rQ?feature=shared>

Тайлбар:

Сургуулийн өмнөх насны хүүхдэд сонсгох хөгжмийг сонгохдоо хөгжмийн сургалтын хөтөлбөрийн суралцахуйн үр дүнд чиглүүлэн дууны төрөл, хөгжмийн зэмсгийн бүтээлийг сонгож болно. Сонсох хөгжим нь байгаль, амьтан, хүрээлэн буй орчны юмс үзэгдлийг дүрсэлсэн, мэдрэмж, сэтгэл хөдлөлийг илэрхийлсэн зохиолуудаас сонгож тухайн зохиолыг хэсгээр болон бүхлээр нь сонгож болно.